

VIJEĆE INSTITUTA ZA HISTORIJU

Univerzitet u Sarajevu

IZVJEŠTAJ

o prijavi kandidata na Konkurs i prijedlog za izbor u naučno zvanje  
naučni suradnik za oblast starije historije – srednji vijek

Konkurs za izbor u naučno zvanje naučni suradnik za oblast starije historije – srednji vijek raspisan od strane Instituta za historiju Univerziteta u Sarajevu, objavljen je u listu *Dnevni avaz* u petak 14. juna/lipnja 2024. na str. 23. Na osnovu člana 29. Zakona o naučnoistraživačkoj djelatnosti („Službene novine Kantona Sarajevo“ br. 16/06) i člana 113. Statuta Univerziteta u Sarajevu, Vijeće Instituta za historiju je na 1. redovnoj sjednici održanoj 10. jula 2024. godine donijelo odluku o imenovanju Komisije za izbor u naučno zvanje u sastavu:

1. dr. sc. Dženan Dautović, docent na Filozofskom fakultetu Univerziteta u Tuzli – predsjednik;
2. dr. sc. Enes Dedić, viši naučni suradnik na Univerzitetu u Sarajevu – Institut za historiju, član;
3. dr. sc. Elmedina Duranović, naučni suradnik na Univerzitetu u Sarajevu – Institut za historiju, član.

Komisija je zaprimila i Potvrdu Sekretarijata Instituta za historiju br. 03-01-450/24 od 3. jula 2024. potpisanu od strane sekretara Instituta za historiju Fatime Išerić kojom se potvrđuje da se na gore navedeni Konkurs prijavio dr. Nedim Rabić, koji je dostavio potpunu prijavu i usklađenu sa uvjetima utvrđenim konkursom.

Komisija je ostvarila uvid u priloženu dokumentaciju jedinog prijavljenog kandidata, dr. Nedima Rabića, te konstatovala da je od dokumentacije uredno priloženo slijedeće:

- Prijava kandidata na konkurs, lično potpisana
- Izvod iz matične knjige rođenih, kopija ovjerena 18. juna 2024. od strane Službe za opću upravu Općine Novi Grad Sarajevo.

- Uvjerenje o državljanstvu Bosne i Hercegovine i Federacije Bosne i Hercegovine, kopija ovjerena 18. juna 2024. od strane Službe za opću upravu Općine Novi Grad Sarajevo.
- Obavijest o mjestu prebivališta, kopija ovjerena 18. juna 2024. od strane Službe za opću upravu Općine Novi Grad Sarajevo.
- Diploma o završenom Prvom ciklusu studija historije na Filozofskom fakultetu Univerziteta u Sarajevu, sa Dodatkom diplomi koji sadržava prosjek ocjena (8,58), kopija ovjerena 18. juna 2024. od strane Službe za opću upravu Općine Novi Grad Sarajevo.
- Diploma o završenom Drugom ciklusu studija historije na Filozofskom fakultetu Univerziteta u Sarajevu, sa Dodatkom diplomi koji sadržava prosjek ocjena (9,21), kopija ovjerena 18. juna 2024. od strane Službe za opću upravu Općine Novi Grad Sarajevo.
- Diploma o završenom Trećem ciklusu studija historije na Filozofskom fakultetu Univerziteta u Sarajevu, sa Dodatkom diplomi koji sadržava prosjek ocjena (9,36), kopija ovjerena 18. juna 2024. od strane Službe za opću upravu Općine Novi Grad Sarajevo.
- Biografija, potpisana lično od strane Kandidata.
- Bibliografija objavljenih radova potpisana od strane Kandidata.
- Kopije naučnih i stručnih radova i prikaza objavljenih u naučnim publikacijama.

Nakon ostvarenog uvida u priloženu dokumentaciju, Komisija podnosi Vijeću Instituta za historiju slijedeći

## IZVJEŠTAJ

**Biografija kandidata:** dr. Nedim Rabić je rođen 16. juna 1986. godine u Gradačcu. Osnovno obrazovanje je pohađao u Neumarktu (Njemačka) i Gradačcu u periodu 1993-2001.; srednju školu – Gimnaziju je također završio u Gradačcu 2005. godine; Studij historije na Filozofskom fakultetu Univerziteta u Sarajevu je upisao 2005. godine, na kojem je završio sva tri ciklusa studija: Prvi (BA) ciklus 2008. godine, Drugi (MA) ciklus 2011. i Treći (doktorski ciklus) 2018.

godine. Titulu doktora historijskih nauka stekao je odbranom disertacije pod nazivom „Stjepan II Kotromanić i njegovo doba“. Jedan je od urednika Zbornika radova *Bosna i njeni susjedi u srednjem vijeku: pristupi i perspektive* (Institut za historiju, Sarajevo 2019.). Autor je 16 naučnih radova iz oblasti srednjovjekovne bosanske historije, objavljenih u zemlji i inostranstvu na bosanskom, njemačkom i engleskom jeziku; te 19 prikaza naučne produkcije u zemlji i svijetu. Autorizirao je i prijevod tri naučna članka i intervju sa njemačkog i engleskog jezika. Učestvovao je na 34 naučna skupa i konferencije u Bosni i Hercegovini, Hrvatskoj, Francuskoj, Njemačkoj, Poljskoj, Češkoj i Bugarskoj. Učesnik je 3 naučna projekta organizirana u Bosni i Hercegovini i Bugarskoj. Ima iskustvo rada na JU Zavodu za zaštitu i korištenje kulturno-historijskog i prirodnog naslijeđa Tuzlanskog kantona. Od 1. januara 2012. godine uposlenik je Instituta za historiju Univerziteta u Sarajevu. Izabran je u nastavno-naučno zvanje docenta – vanjskog saradnika na Odsjeku za historiju Filozofskog fakulteta Univerziteta u Tuzli za užu naučnu oblast „srednji vijek“ (4. oktobar 2021.).

#### **Objavljeni izvorni naučni radovi u periodu 2018-2024:**

1. Nedim Rabić, „Bosna i Istočno-Centralna Evropa u srednjem vijeku: odnos mikro i makro regije“, u: *Bosna i njeni susjedi u srednjem vijeku: pristupi i perspektive*, (ur.) Elmedina Duranović – Enes Dedić – Nedim Rabić, Institut za historiju, Sarajevo 2019, 11-31.
  - Članak tematizira problematiku pripadnosti srednjovjekovne Bosne makroregiji Istočno-Centralne Evrope, opravdanosti takvog historiografskog grupisanja regija, ali i ranijim pokušajima uvrštavanja ove mikroregije u šire regionalne matrice. Rad je temeljen na modernoj humanističkoj metodi istraživanja prostornog obrata, te donosi originalna i nova razmišljanja koja otvaraju nove istraživačke perspektive i postavke.
2. Nedim Rabić, „Bosnien – zwischen Ost und West. Die Entwicklung eines Staates in Ostmitteleuropa 1050-1250“, u: *Das Hochmittelalter – eine vernachlässigte Epoche? Neue Forschungen zum 11. – 13. Jahrhundert*, (ur.) Lisa Klocke – Matthias Weber, Peter Lang, Berlin 2020, 307-326.
  - Ovaj članak je posvećen početnoj fazi historije srednjovjekovne Bosne, od njenih prvih spomena u izvorima, pa do kraja vladavine prvih bosanskih banova Kulina i Mateja Ninoslava. Analiziraju se odnosi Bosanske banovine u širem kontekstu Istočno-

*Centralne Europe, naročito prema Ugarskoj kraljevini, koja je u ovom periodu pokazivala izuzetno agresivne namjere prema bosanskoj teritoriji. Tema je analizirana kroz perspektivu studija graničnih društava, te odnosa mikro-regije Bosanske banovine, prema makro-regiji Istočno-Centralne Europe.*

3. Nedim Rabić, „The access of Bosnia to the Adriatic Coast in the First half of the Fourteenth Century“, u: *Prijelomne godine bosanskohercegovačke prošlosti I*, (ur.) Sedad Bešlija, Institut za historiju, Sarajevo 2021, 51-73.
  - *Rad pionirski tematizira historijsku važnost izlaska Bosanske banovine na Jadransko more za vrijeme vladavine bana Stjepana II. Ovaj događaj je često spominjan u različitoj literaturi, naročito radovima o razvoju trgovine i rudarstva u 14. stoljeću, no, nikada nije analiziran u svojoj ukupnosti i svim oblicima značaja činjenice da je Bosna prestala biti zemlja zatvorena u kopnu. Direktni izlazak na Jadran, a time i Mediteran, učinio je Bosnu dostupniju civilizacijskim tokovima ovih regija, a diplomatsko i politički je uvrstio u zonu interesa Mletačke regije. Autor također pionirski uvodi u historijska istraživanja i značaj ovog događaja za historiju mentaliteta srednjovjekovne Bosne.*
  
4. Nedim Rabić, „Najstariji podaci o stećcima u sjevernoj Bosni: hronologija i kontekstualizacija“, *Historijska misao* 6 (2020): 45-64.
  - *Najmanje poznata regija po pitanju istraživanja stećaka svakako je sjeverna Bosna. Autor u ovom radu tematizira stećke Bijeljine, njihovo spominjanje u izvorima, te neobičnu sudbinu koju su doživjeli. Iznese su pretpostavke da bi barem jedan dio ovih stećaka mogao biti pronađen u ruševinama Atik džamije.*
  
5. Nedim Rabić, „Jedna predaja o padu Srebrenika pod osmansku vlast i historija imaginacija sredine 19. stoljeća“, *Historijska misao* 7 (2021): 55-74.
  - *Ovaj rad je posvećen do sada malo poznatom izvoru, putopisu napisanom od strane minhenskog univerzitetskog profesora Sendtnera iz 1847. godine koji je putovao po raznim dijelovima Bosne i Hercegovine i bilježio tematski izuzetno heterogene informacije o ljudima, mjestima i običajima. Jedna od takvih informacija koja je privukla autorovu pažnju jeste i predanje o padu Srebrenika pod napadom osmanskih*

vojnih snaga. Autora zanimaju ne samo vijesti o navednoj narodnoj predaji, nego i analiza kako je ta predaja oblikovala imaginaciju ljudi vremena u kojem je zabilježena.

6. Nedim Rabić, „Unutarnja konsolidacija i vanjski sjaj: politička historija Bosne od Stjepana I do krunidbe Tvrtka I (1290-1377)“, u: *Historija Bosne i Hercegovine, vol. II Srednjovjekovna Bosna*, (ur.) Enes Dedić, Institut za historiju, Sarajevo 2023: 49-90.
  - *Sintetski pregled političke historije Bosanske Banovine u njenoj zreloj fazi. Autor donosi novu i modernu analizu ovog vremena, koja prethodne sintetske pregleda dopunjava najnovijim dostignućima historiografije i tako ovaj pregled čini najmodernijim dostignućem historiografije o 14. stoljeću.*
  
7. Nedim Rabić, „Vijesti Hansa Seybolta o bosanskom kralju Nikoli Iločkom i njegovom sinu Lovri z 1476. godine“, *Historijska misao* 8 (2022): 13-23.
  - *Autor donosi novi i nepoznati izvor samostanskog pisara Hansa Seybolta iz Donje Bavarske i iz druge polovine 15. stoljeća, koji je prisustvovao vjenčanju ugarskog kralja Matijaša Korvina i napuljske princeze Beatrix, te tom prilikom donio informacije o titularnom kralju Bosne Nikoli Iločkom i njegovom sinu Lovri.*
  
8. Nedim Rabić (sa Dženan Dautović), „Najstariji do sada poznati spomeni Gradačca u pisanim izvorima srednjeg vijeka“, *Diwan* 57-58 (2024): 92-111.
  - *Rad je posvećen historiji Gradačca u srednjem vijeku, sravnjujući dosadašnja znanja o ovom području inače jako slabo zastupljenom u izvorima. Raspravlja se i o administrativnom ustroju zemlje Usore i Soli, te unutar nje župe Nenavište, kojoj je pripadalo gradačcačko područje. Završni dio rada je posvećen novom izvoru papinske provenijencije koji pomjera do sada poznati najstariji spomen Gradačca u pisanim izvorima sa 1461. na 4.4.1460. godine.*

#### **Prijevod naučnih tekstova u periodu 2018-2024:**

1. Nedim Rabić (prev.): Paul Nolte, „Ogorčenje i prkos će se uvećati“ – Korona kao prijatna demokratiji?, u: *historiografija.ba* (15. april 2020).

2. Nedim Rabić sa Dženan Dautović (prev.): Sima M. Ćirković, „Bosanski patareni i zapadne hereze“, *Prilozi* 49 (2020): 17-43.

#### **Prikazi i recenzije objavljeni u periodu 2018-2024:**

1. Nedim Rabić: „Amir Kliko, Tepčija Stipan Batalo Šantić i njegovo doba“, *Novi Divan* 2 (2020): 83-85.
2. Nedim Rabić: „Hamdija Kreševljaković, Nekrolozi“, *Historijska misao* 8 (2022): 167-168.
3. Nedim Rabić: „Dugo očekivani pothvat: *Codex Diplomaticus Regni Bosne*“, *Forum Bosnae* 103 (23): 1009-1014.

#### **PRIJEDLOG ODLUKE KOMISIJE S OBRAZLOŽENJEM**

Na konkurs za izbor u zvanje za naučnog saradnika za oblast starije historije – srednji vijek prijavio se samo jedan kandidat, dr. Nedim Rabić. Nakon što je detaljno pregledala pristigli materijal, tj, dokumentaciju i dostavljene radove kandidata, Komisija ocjenjuje da dr. Nedim Rabić, doktor historijskih nauka **ispunjava sve zakonom propisane predulove za reizbor u ist zvanje naučnog saradnika za oblast starije historije**, srednji vijek na Institutu za historiju Univerziteta u Sarajevu. Dr. Nedim Rabić je od prethodnog izbora nadmašio sve tražene kriterije za reizbor, te u prethodnom periodu 2018-2024. dodatno se razvio kao ozbiljan historičar i istraživač srednjovjekovnog perioda historije Bosne i Hercegovine. U svojim pristupima kandidat često utire nove pristupe u domaćoj historiografiji, obogaćujući je metodama analize i istraživanja koji se već neko vrijeme primjenjuju u svjetskoj historiografiji, no, u domaćim okvirima nisu bile česte. Autor je postao prepoznatljiv i u širim okvirima naučne zajednice po pronalasku novih i nepoznatih izvora, koji donose nove iskre poznavanju historije srednjovjekovne Bosne. Naročito se ističe u pronalasku izvora njemačke provenijencije, te istraživanju sjeverne Bosne, ponajmanje poznatog područja srednjovjekovnog perioda.

Stoga, donosimo zaključak, da kandidat Nedim Rabić od uslova neopodnih za reizbor u naučno zvanje naučnog saradnika, ispunjava:

1. Ostvaren stepen doktora historijskih nauka (iz oblasti za koju se bira);

2. Na svim ciklusima studija ostvario je prosjek ocjena (8,58 + 9,21 + 9,36), što je znatno više od zakonom propisane najmanje prosječne ocjene od 8,00;
3. U časopisima i zbornicima radova objavio je 8 (osam) naučnih radova, 2 (dva) prijevoda i 3 (tri) prikaza. Od osam naučnih radova, tri su objavljena u časopisima pod klasifikacijom izvornih naučnih radova, još 4 su objavljena u zbornicima radova za koje je Komisija odlučila da imaju nivo izvornih naučnih radova, dok je sintetski prikaz iz *Historije Bosne i Hercegovine* ocijenjen kao pregledni rad. Navedeno premašuje minimum od tri izvorna naučna rada propisan Zakonom o naučnoistraživačkoj djelatnosti Kantona Sarajevo.
4. U navedenom periodu kandidat je nastupio na većem broju naučnih konferencija, okruglih stolova i tribina, te je učestvovao u domaćim i međunarodnim projektima, dostojno reprezentujući zemlju i matičnu instituciju.
5. U cjelokupnoj djelatnosti pokazao je ozbiljnost, etiku, kvalitetu dostojnu jednog naučnog radnika u Bosni i Hercegovini.

**Iz svega navedenog, budući da zadovoljava sve predušlove, Komisija sa zadovoljstvom preporučuje Vijeću Instituta za historiju Univerziteta u Sarajevu da se Nedimu Rabiću, doktoru historijskih nauka, trenutno u zvanju naučnog saradnika omogući reizbor u isto zvanje – naučni suradnik za oblast starije historije – srednji vijek na Univerzitetu u Sarajevu – Institutu za historiju.**

26. 7. 2024.

Komisija:

